

P
26
-
93

50 R

P. 1. 93
Q





..

D E
LEGENDORUM
LIBRORUM MEDICORUM
RATIONE INSTITUENDA
DISSERTATIO EPISTOLARIS
AUCTORE
CAROLO GIANELLA
PHILOS. & MED.
LIGNIACENSI.



VENETIIS , MDCCXLVI.

Apud Dominicum Occhi, sub signo Unionis.

SUPERIORUM PERMISSU.



Illustrissimo atque Excellentissimo

DANIELI BRAGADENO

Equiti, atque Ædis divi Marci Procuratori
Amplissimo, Studiorumque in Publico
Patavino Lyceæ Instauratori
Sapientissimo.

CAROLUS GIANELLA

Salutem plurimam dicit.



*N*ondum aggressus meam banc
qualis tandem cumque sit, de legendorum
Librorum Medicorum ratione instituenda,
Dissertationem, constitueram illam immor-
tali Nomini suo inscribere, Eques, ac

A 2

Pro-

Procurator humanissime, ut cultus, ob-
servantiaque erga te mea sincerum ali-
quod documentum extaret. Cum enim ti-
bi tantum debeam, quantum Patriæ, ac
Parentibus ipsis me debere sentio, profe-
cto ingratiſſimus videar, tuorumque in me be-
neficiorum plane immemor, si, quantum in
me est, aliqua grati animi signa, & argumen-
ta non patefaciam. Equidem excellentem Di-
gnitatem, eximiamque Amplitudinem tuam
serio perpendens, enixe cupiebam luculentius
aliquod Munus tibi offerre; sed cum illud
tum publica, tum privata negotia tardius
reddant quam par est; meumque erga te
ardens studium diutius conclusum animo
coerceri nequeat, statui interim opuscu-
lum hoc publici juris facere, quod, licet
tenuissimum sit, quia tamen Auspiciis tuis
in Lucem prodit, satis grande sibi præsi-
dium, & ornamentum comparat. Quid
enim Nomine tuo clarius, quid te ipso
illustrius, cujus præclaræ dotes, non Ci-
vium modo, verum etiam exterarum gen-
tium oculos ad se traduxere, in admira-
tionemque rapuere? Quantus sis, quanta-
que in agendis rebus dextritaxe instructus,
satis jam comprobarunt duæ illæ tuæ ho-
norifice peractæ Hispaniarum, ac Germa-
niæ Legationes, in quibus Regibus, &
Imperatoribus apprimè charus remet abso-
lutif.

lutiſſimum virtutum omnium exemplar
præbuiſti, planeque dignum, cui publica
qualibet officia committerentur. Quanta
vero ſint tua in Rempublicam merita, il-
lud indicat maniſeſtiſſime, quod ſumma,
ac pene incredibili celeritate ex Equeſtri
ordine ad præclariffimum Procuratoriæ Di-
gnitatis Faſtigium evectus es, mox Sapien-
tium Numero aſcitus onoriſcentiſſimo Lit-
teratorum Triumvirorum munere inſigni-
tus appares, in qua quidem tibi merito
demandata Provincia nihil antiquius ba-
buiſti, quam in ſtudioſos, ac bene de litte-
ris meritos Viros large beneficia conferre,
præclararum artium ſtudia magis, ac ma-
gis promovere, ac novas Scientiarum Ca-
tedras erigere. Quid? Præſtantiſſima con-
ſecutus ſemper dignus habitus es, qui illa
conſequereris: Collatis tibi ab Ampliſſimo
Senatu honoribus honorem ſemper adieci-
ſti, nec umquam tibi animus deſuit ad ea
omnia feliciter perficienda, quæ vigilantie
prudentiæque tuæ commiſſa ſunt. Tuæ
enim, ac pene dixerim propriæ virtutes ſunt
conſtanter, feliciterque administrare ſu-
ſcepta Negotia, dubios, & incertos caſus
proſpicere, repentinos, ac difficillimos ex-
pedire, bene ſapienterque providere ea o-
mnia, quæ ad Reipublicæ felicitatem in-
columitatemque tuendam pertinent. Quid

de eximia humanitate tua, de admirabili prudentia, de insigni liberalitate, de summa animi integritate, de incredibili morum suavitate dicam? sacra, ac prophanae Historiae scientiam, quae in te est maxima, antiquarum rerum notitiam, quae polles plurimum, Moralis Philosophiae cognitionem, quae cedis nemini, eximia haec ornamenta tua quibus Laudibus efferam? Quoniam vero illud etiam tibi accedit ornamentum, quod de Re Medica bene admodum sentis, qua voluptate perfundar, vix queo dicere. Hoc nempe hoc magnam me in spem erigit, ut hoc exiguum munus tot tantisque titulis tibi debitum minime repudies; sed illa vultus hilaritate, incredibili illa humanitate, qua me ipsum excipere, fovere, ac tueri soles, libenter excipias, O equi bonique facias. Vale.

DIS-

DISSERTATIO EPISTOLARIS

De Recta legendorum Librorum Medicorum Ratione instituenda ad Celeberrimum JOANNEM BAPTISTAM MORGAGNI Publicum in Lyceo Patavino Anatomie Primarium Professore meritissimum.

Cum ex tua, Vir sapientissime, plena ingenio, & facundia Institutionum Medicarum Idea satis cognoverim, in recta Medicorum Librorum Ratione instituenda adhuc aliquid desiderari, nonnulla super eandem rem excogitare cæpi, deinde quædam delineamenta ducere, quæ tuo, non aliorum judicio subjicere audeo, ut eo redeant unde profecta sunt. Cum enim majores nostri, qui hanc viam præmostrarunt, inter quos præcipue præstitere Petrus Castellanus, Mercurialis, Petrus a Castro, Bartholinus, Heurnius, Lancisius, & Boerhaave, partim fortasse nimis angustis terminis Spartam hanc circumscripserint, partim fortasse nimis multa postulent, quæ a nemine præstari possunt, tu unus potes rectissime judicare, qui fortasse multa in idem argumentum excogitasti, sed postea ad graviora evehisti, & publicis, & privatis Lectionibus quotidie nova in anatomicis docens mentem a prima illa Institutione ad meliora conversus avocasti. Quod si tibi non admodum displiceant Cogitationes, & Labores mei, quantum sibi in re tanti momenti vendicabunt auctoritatis, nemo non videt. Quid enim clarius tuo Nomine apud summos, præstantesque viros!

ros! de te magnifice loquuntur. Laurentius Heisterus, Verheyenus, Ruyschius, Boerhaave; Te eximiis efferunt laudibus Lancisius, Vallinierius, Polenus, Facciolatus, & alii quam plurimi, quos nimis longum esset per censere velle numerando, quibus tua scripta tanto in honore sunt, ut ab ipsis cum sapientissimorum virorum editis Libris vel comparentur, vel etiam præferantur. Tu igitur eruditissime Vir, ea, quæ in legendorum Librorum Medicorum ratione instituenda pro Praxi Medica exercenda excogitavi, mecum benigne perpendas, ac si quid boni in ea nactus sis illud approbes, sin minus, libere repudies.

Sed antequam propius ad rem nostram accedamus non nulla de temporis Librorum legendorum divisione præmittere operæ pretium ducō. Nam cum institutio hæc nostra spectet horum, ut optimus, quantum fieri per nos licet, atque eruditus instituatur Medicus; inquit enim Pallingenius.

Vel perfectæ artem discant vel non medeantur

Nam si aliæ peccant artes tolerabile certe est

Hæc vero, nisi sit perfectæ, est plena periculi!

tempus, quod magis aptum sit, quodque ægrorum saluti qui ejus curæ commissi sunt minime obesse possit, est seligendum.

Quod antequam faciam sciendum primum tibi est, non ad eos studiosos Adoloscētes scriptam hanc esse Disputationem, qui Philosophiæ, & Medicinæ ignari erudit i Professois disciplina adhuc egent, sed ad eos, qui valedixerint Scholis, jam philosophicis, & mathematicis Principiis, Statica, Geostatica, Hydro.

drostatica, Botanica, & Anathomica optime instituti Praxi Medicæ se dedidere.

Ut igitur ad rem veniamus operam duabus rebus dandam esse judico ei, qui in optimum Medicum velit evadere, assiduo nempe, & nunquam intermisso legendorum optimorum Autorum Studio, & ægrotantium morborum observationibus, maxima semper adhibita in percontando, in cogitando, & examinando diligentia.

Ut hoc duplici fungamur munere legendorum Librorum tempus in duas veluti partes est nobis tribuendum, quæ sint ab illis horis secretæ, quæ in visendis ægris sunt nobis commendæ; in matutinum nempe, & serotinum. Prima in gravioribus Medicinæ studiis est toto transigenda; secunda in iis etiam collocanda, quæ veluti quodam societatis vinculo cum Medicinæ studio copulantur.

Summo igitur surgendum nobis est mane, & quidem id temporis in graviori, & magis necessario studio collocandum; Ablatis enim tunc ventriculi cruditatibus nervei succi & defecatiores, & subtiliores, & aptiores ad propria munera obeunda reperiuntur. Quamobrem sapiens Aristoteles in Economicis scripsit. *Surgere circa auroram conferre ad studium Philosophiæ, ad rem domesticam bene gubernandam, nec non ad sanitatem tuendam.* Quam vero ardens præter hujus temporis delectum requiratur desiderium, & quam vehemens erga illam disciplinam, in quam incumbunt studiosi homines, Amor, sine quo, cum in vita nihil est quidquam egregium, tum certe hoc quod expetitur, nemo unquam assequetur, Vir Sapien,

4
pientissime , jam optime intelligis . Etenim cum sit animus in iis, quæ a nobis amantur assidue detentus, medicam disciplinam amando, in ipsa assidua etiam, & vehementi animi contentione semper erimus magna cum voluptate occupati. Ex quo fit ut labor & contentio, jucunditate illa, quam in admirandis sepulcris ingeniis percipimus, abunde superetur. Sed quo ordine legendi sunt Libri mecum paulisper pende.

Cum ille divinus senex Hippocrates primus omnium Philosophiam a Medicina disjunxerit, ad ipsum veluti ad clarissimum Fontem, ex quo purissimi doctrinæ Rivi emanant in primis est confugiendum; *inertis enim ingenis est, moriente seneca Fontes relinquere, & Rivulos querere*. Ergo Hippocratis Libros legerem, & illo quidem ordine, quo dispositi sunt, licet illorum multi non Hippocratis, sed Polybi reperiantur, deinde perlegerem, & majore quidem studio, & diligentia adhuc perpenderem. Cumque in illis Libris, ut inquit Galenus, nulla sit syllaba, quæ aliquid non significet Auctoris sententiam examinarem, ejusque divina oracula serio meditarer. Et cum in istius Libris quædam sententiæ reperiantur, quæ memoriæ comittere multum foret utile, has diligenter excriberem, & quotidianis observationibus earum experimentum facerem. Ex hisce enim intelliget Medicus Artem hanc nostram difficilem esse in discendo, perplexam, & confusam in sentiendo, infidam, & incertam in remediis adhibendis. Nulla propterea Medico in conferendis medicamentis sit temeritas, nulla

5

la illi in observandis effectibus festinatio, nulla in malis eventibus occultatio, nulla in extollendis prosperis jactantia. Sed cum Hippocratis non legendi, et perlegendi solummodo sint Libri, sed semper præmanibus etiam habendi, ut ita ingenium nostrum veluti nova incude ad illius recudatur ingenium, quid alii probati, & quidem gravioris doctrinæ Auctores in venerandi Senis sententiam senserint etiam quam diligentissime perquirerem. Inter antiquos Auctores, qui Hippocraticam doctrinam aut approbarunt, aut damnarunt, fuerunt Diocles, Archigenes, Asclepiades, Appollonius, Ruffus, Polybus, Moschio, Cleopatra, Musa, Thucidides, Sabinus, Dioscorides = Anazarbeus, Pelops, Herodotus, Democrates, Herophylus, Antyllus, Celsus, Crito, Philotinus, Praxagoras, Soranus, & alii nonnulli, quorum honorificam facit mentionem Galenus. Sed cum eorum (exceptis tamen nonnullis, Polybo nempe, Dioscoride = Anazarbeo, Antillo, Ruffo, Celfo, & nonnullis aliis) scripta repolita in templo Principis Civitatis, incendio, magno artis detrimento, conflagrarint, jam exustis ingentibus Bibliothecis, ex toto Pacis Delubro, sexcentorum fere annorum spatio, seligendus est Celsus, cujus opera elegantissima, & ad Hippocratis, & Asclepiadis mentem assabre elaborata, sunt nobis diligentissime pervolvenda. Ex viginti vero quinque hujus clarissimi Auctoris Editionibus, illam seligendam esse putarem, quæ ex typis cominianis Patavii prostat. In illa enim leguntur tres tuæ Eruditissimæ Epistolæ ad Joannem Baptistam Ulpium Scri-

Scriptæ , in quarum prima Textui Celsiano præmissa plurima Celsi corrupta loca restituis, obscura alia , ac difficilia a nemine hætenus enodata illustras , & varia ejus hucusque non collecta fragmenta adducis . In secunda vero , quæ est ad calcem textus reposita duorum integrorum Caputum in Celsi Libro quarto defectum, materiamque in iis tractatam detegis ; ac tandem in tertia quindecim observationes Jacobi Facciolati doctissimi viri in totidem Celsi voces enumeras .

Ab his purissimis Doctrinæ Fontibus ad alterum Fontem, & quidem clarissimum transierem, Galenum, nempe, ex quo Hippocratica solida doctrina sublimi quodam stylo, & claritate emanat, cum in omnibus ejus partibus admirandi Senis sint dispersa oracula . Quem Auctorem si legisset Baglivius non in illum incidisset errorem, ut Galenum damnaret quia aquæ potum adeo improbabat in febribus, ut potius sineret ægrotantem vita periclitari, quam minimam atquæ guttam eisdem tribui, ut patet expresse ex capit xii. de morborum hypothesi recte construenda; cum id falsum omnino sit; Aquæ enim potus a Galeno in febribus laudatur; & Libro nono capite quinto method. medendi hæc habet: *maxime vero continentium febrium remedia sunt, detractio sanguinis, & potio frigida*. Sed cum Galeni Scripta nimis ampla sint, multumque temporis in iis legendis requiratur, iis, quæ non magni momenti sunt, relictis, magis necessaria atque utilia eligerem, & legenda indicarem. Et primum quidem admirabiles, ac
pene

7
pene divinos de usu partium Libros eligerem, tum Libros de Alimentorum facultatibus, de Succorum bonitate, & vitio, de exercitioparvæ pilæ, de sanitate tuenda, de differentiis morborum, de Symptomatum causis, & differentiis, de Febrium differentiis, de Plenitudine, de Tumoribus, de locis affectis, de pulsibus, de urinis, de simplicium medicamentorum facultatibus, de Theriaca ad Pisonem, de usu Theriacæ, de venæ sectione, de curandi ratione per sanguinis missionem, de mendendi Methodo, de Arte curativa, de Remediis paratu facilibus.

Hæc vero in hunc modum constitutis legerem in Hippocraticam Doctrinam Galenicorum Commentarios, atque ex omnibus illis eligerem, qui in epidemicos Libros conscripti sunt. Sed cum Studium Hippocraticum ceteris omnibus studiis utilitate præferam, cum in ipso diviniora, & obscuriora Medicinæ arcana detegantur, non quid Galenus solum, sed quid etiam alii Auctores celeberrimi in Hippocratis Doctrinam senserint studiose, & accurate expenderem.

Primum tamen evolverem Librum de Prænotionibus, tum in altero insudarem de Prædictionibus, deinde in altero mirifico in Coacas Prænotiones, postea in illo de judicationibus, & in altero de diebus judicatoriis, ac tandem in illis de morbis populariter grassantibus. Ad hæc legerem Galenum, Vallesium, Jacotium, Hollerium, Martinum Fuschium, Duretum, & Eruditissimum Mercurialem, qui secundum, & sextum morborum popularium

rium Librum , & quadraginta Epidemicas historias in Pisanis, & Patavinis Prælectionibus ita clare, & doctè exposuit; ut ab ejus lectione te multo eruditorem sentias discessisse. Quam vero doctus, quam eruditus, quam prudens, & expertus in Epidemicorum Lectione, evadat Medicus, nemo profecto sciet, nisi qui improbo labore, & assidua contentione sese totum huic quam utilissimo dederit studio. Hisce prælibatis alios adirem præclarissimos Auctores, qui morborum Historias Hippocratem imitati describere. Et inter illos sunt Ballonius, Petronius, Cagnatus, Sydenhamius, Ramazzinus, Lancisius, qui accuratissimis observationibus temporum suorum Epidemicas Constitutiones explicarunt.

Sed cum Medicina portendendo futura summam sibi pariat gloriam, Aphoristicum instituerem studium, diligenterque Aphorismorum sententias excriberem. Neque negligerem eodem tempore eorundem Aphorismorum Interpretes, & præcipue Galenum, Cardanum, & Joannem Eurnium, qui brevioribus practicis Observationibus Aphoristicam Disciplinam egregie illustravit. Hunc etiam postremum Auctorem legerem in Prongostico; dein ad Legendum Prosperum Alpinum de præfagienda vita, & morte ægrotantium gradum facerem, cum ex illis tamquam ex veris Fontibus multa, quæ reddunt Medicos quam solertissimos, emanent.

At cum suum acceptum referre debeat Medicina Observationibus ortum, atque incrementum, per easdem etiam observationes ad summum

mum dignitatis suæ fastigium aliquando tan-
 dem evahetur. Observationibus igitur clarissi-
 morum Virorum aliquandiu inhærere nonne
 admodum utile erit Eruditissime Vir, & morbo-
 rum Historias evolvere? Quod ut, facilius con-
 sequantur Medici, legant primum Zacutum Lusit-
 anum, qui Principum Auctorum morborum
 Historias collegit dubiisque, & quæstionibus
 utilibus exornavit; deinde legant Theophi-
 lum Bonerum in suo Sepulcreto, quo Libro,
 inquit celeberrimus Hermannus Boerhaave,
 carere non possumus; nam diligentia incom-
 parabili ex omnibus Auctoribus, qui observa-
 tiones scripserant de Cadaveribus post mortem
 apertis optima collegit, & redegit ad capita,
 ita ut hic Liber index sit ingentis Bibliothecæ,
 & narrationi Historiarum, quæ in Indi-
 ce continentur, semper præmittat brevem hi-
 storiam symptomatum, & tum Cadaveris præ-
 beat historiam accuratam. Nec erit; credo,
 cur pæniteat Optimum Medicum, si alios quo-
 que legerit Auctores, qui in hac ipsa re flo-
 ruere; Inter quos sunt enumerandi Lanzoni,
 Nigroseli, Valisnerius, Hofmanus, Riverius,
 Petri Poterii insignes curationes, & singula-
 res Observationes; & Ferdinandi Epiphanii
 Observationes, omnes fere Medicinæ partes,
 cunctorumque corporis humani morbos conti-
 nentes, quæ non minus Theoriam, & Pra-
 xim, quam ob variam Eruditionem, aureas-
 que digressiones erunt omnibus apprime utiles,
 necessariæ, perjucundæ, lectuque dignissimæ.
 Atque inter cæteros Auctores legerem celeberrimi
 Schalii medico-Practicas observationes, easque

to

casque imitari vellem in observando.

Sed cum te, Doctissime Vir, non lateat quam inextricabiles sint mulierum morbi, & quam frequenter occurrunt nobis, non inutile fore crederem adhuc Hippocratis de morbis mulierum Librum repetere, & Forestum, Mercatum, Senertum, & Ettmullerum idem argumentum pertractantes simul attenta mente perlegere, atque ut de mulierum morbis & Affectionibus habeatur clara Idea Guilielmum Ballonium de morbis Virginum Mulierum, & Moricellum, & Petrum Dionem de Puerperiis, & de morbis gravidarum, & infantium recens natorum, & Legerium de Gogey, & Peu Placita circa partum naturalem consulere m, nec non Joannem Mandray in suo Valetudinario Mulierum.

Hinc arrepta occasione ad illos legendos Auctores transirem, qui peculiari Studio, & diligentia de morbis particularibus pertractarunt, cum in ipsis, quæ in aliis Auctoribus dispersa sunt, veluti simul collecta reperiantur. Sed cum multi percensendi sint Auctores, dabis mihi, ut spero, veniam, vir humanissime, si plus justo longior Oratio fastidium tibi pariet, ac satietatem. In hoc igitur Album reducuntur primum illi, qui de morbis puerorum erudite pertractarunt; ut Gualterius Harris, Mercatus, Mercurialis, Fridericus Chaden, Nicolaus Andris, Hemilius Campo-Longus, Hippolitus Bryllus, & Sydenam, & Freind; ab ipsis enim morbi aucti, & cronici, vermes, & variolæ, quibus premuntur infantes optime deteguntur, & curantur. Secundo loco ponendi

di sunt Bellinus de morbis Capitis ; Hieronymus Mercurialis, & Plempius de morbis Aurium, & Oculorum, Baptista Codronchius de vitiis vocis; Julius Cæsar Claudinus, & Conradus Victor Schneiderus de Catharro, & de omnibus catharrofis affectionibus; Ricardus Morton, & Eduardus Barry de Phthisi pulmonali; Sydenam, Baglivius, & Joannes Baptista Verna de Pleuritide. Legendi deinde sunt Riequet de digestionem, & morbis Ventriculi. Jacobus Hollerius, Nicolaus Piso de internis humani Corporis Morbis; Atrilius Bulgerius de Affectionibus Cordis, Joannes Maria Lancisius de Corde, & Aneurismaribus; Grassinus Farva, & Villis de Affectione hypocondriaca, & de morbis convulsivis, & hysteris; Consulendi quoque sunt Junius Paulus Crassus, & Lancisius de Morte subitanea; Marcus Gerbertus de morbis complicatis; Bernardinus Ramazzini de morbis Artificum, & Joannes Beverovicus de Calculo renum, & vesicæ; Alexander Schnipsmacoppe in epistola de Aortæ Polypo, in qua de Polypi natura, dignotione, & curatione differitur tam clare, ac dilucide, ut nihil sit, quod in hoc opusculo desideretur. Legendi tandem sunt Harvæianus, Petrus a Castro, Sydenam, Baglivius, Franciscus Josephus, & Joannes Baptista Borealis de Febribus tum Malignis, tum mesentericis, tum epidemicis, & petachialibus, & verminosis; Nec non etiam Hieronymus Fracastorius; Aloysius Luissinus, & Joannes Astruc de morbis venereis; Ex hoc vero ultimo discet Medicus, quæ sit Lues celtica, quo tempore ex In-

fula Antilla Americana in Europam traducta, quo modo per totam Europam propagata; quibus sanata remediis; qui fuerint primi in detegenda virtute Mercurii, & qui primum salivationem in ejus usu observarunt. Quibus prepararetur modis, & qua methodo adhibeatur; quot, & quales sint Auctores, qui de Morbo venereo, & de ejusdem Remediis scripserunt, & alia quam plurima, & per ordinem ita bene disposita in celeberrimo Auctore Lector inveniet, quæ summam merentur laudem. Sunt & Alii prorsus innumerabiles legendi, qui singillatim de morbis particulatim crudite tractarunt, quos tamen brevitate gratia omitto percensendos.

Ita hisce Auctoribus prælibatis meum appellerem animum ad illos Libros, qui præcipua Remediorum genera persequuntur. Inter hos enumeratur Luca Antonius Portius in Eracistrato de Venæ Sectione: Et Dominicus la Scala, qui edidit Phlebotomiam damnatam, sive Aridii, Chryssippi Gnidii, Asclepiadis, Erasistrati, & Aristogenis contra Sanguinis missionem Doctrinam e vetustatis tenebris in lucem sibi debitam revocatam, & luculentius enucleatam juxta Legis motus humorum in Orbem. Contra Librum hunc scripsit Matthæus Giorgius edito Libro inscripto. *Phlebotomia liberata*. Sed Dominici Doctrinam propugnavit Ioannes Baptista Vulpinces, qui edidit Epistolam pro Dominico la Scala contra eundem Giorgium, quæ habetur apud Carolum Musitanum in sua Trutina Medica libro secundo, capite sexto. Quæ omnia nobis legenda

da sunt, ut in re tanti momenti omnes no-
 scantur difficultates. In eundem numerum
 referendus quoque Petrus Castellus de Vomi-
 tu, & Vomitoriis, opus medicis omnibus uti-
 le ac necessarium ad curandos morbos. Lau-
 dandi quoque Baglivius de usu, & abusu vesi-
 cantium: Thomas Villis de medicamentis
 opiat: Zandrini & Cogrossius de China Chi-
 næ: Aloisius a Fabra de Meteoris, ac de
 Morbis ab eisdem derivatis; Baccius de Ther-
 mis; Lamery de Antimonio; Gratiani de
 Aquis Thermalibus divæ Virginis, & Reco-
 barii; Capiavaccius de Cauteriorum recta ad-
 ministracione; Petrus Girardus Parisinus in
 Commentariis in diætam Auctorum Hippocra-
 tis; Et Arnoldus de Villanova de modo præ-
 parandi cibos, & potus infirmorum. Ac tan-
 dem Hermannus Boerhaave de materia medica
 & Remediorum formulis, quæ inserviunt
 Aphorismis dignoscendis, & curandis mor-
 bis; Et Ferdinandus Carolus Veinhart de Me-
 dico officioso Praxi rationali methodico Apho-
 risticarum selectis Remediorum formulis in-
 structo. Quos tamen Auctores postponerem
 Lectioni Ludovici Mercati de communi, &
 peculiari præsidiorum Indicatione, ut vera
 semper in adhibendis Præsiidiis indicatio su-
 matur; Julii Cæsaris Claudini de Ingressu ad
 infirmos, ut ea, quæ Medicum decet, ser-
 vetur dignitas: & Joannis Bohnnii de officio
 Medici, ut quacunque occasione sciat opti-
 mus Medicus suo fungi Munere.

Porro cum hosce omnes Auctores serio per-
 penderit Medicus, eosque bene calluerit,

mentem, animumque adilcerem ad singulorum morborum species, & quæ in ipsis ab optimis Auctoribus præscribuntur præsidia diligenter animadverterem: Quod ut facilius conficerer, relicto illo futili studio, quod in omnibus legendis Auctoribus nauseam parit, in præscribendis scilicet pro singulorum morborum specie sexcentis præsidiis, ad morborum consultationes, quæ passim apud celeberrimos Auctores reperiuntur, me libenter conferrem. Inter cæteros vero eligerem Julium Cæsarem Claudinum, Mercurialem, Ludovicum Mercatum, Rodericum Fonseca, Lælium a Fonte, Zoroastrum Tinellum, Ballonium Joannem Forti, Josephum Lanzoni, Nigroscelum, & Cajetanum Armillei, & præcipue Franciscum Redi, & Marcellum Malpighi, utpote quiefficaciora, & simpliciora remedia selegerint apprimè Italicis Gentibus utilia, atque peropportuna.

Sed quemadmodum is qui magnifice exstructam ædem, ac splendida suppellectile ornatam incolit, alias quoque Ædes subire non dedignatur, quæque intus sunt curiosius inspicere, ac si quid pulchrum deprehenderit, imitandum sibi proponere, ita Medicus ille, qui hos sibi delegerit Auctores legendos non debet, meo judicio, alios Auctores negligere, atque illorum systemata repudiare; sed illos etiam serio perpendere debet, atque ex iis prudenter colligere, quæ in suam transferre possit utilitatem. Ex græcis igitur legendos summerem Aræteum, Æginetam, Aetium Amidenum, Oribasium, Cælium Aurelium, Traj.

Trallianum Aëtuarium, cui multum circa urinarum causas, judicia, & præfagia debemus. Quod si Medicus non tantum otii habebit, ut omnes hosce Auctores legere possit, legat saltem Henricum Stephanum, in quo omnes superius laudati Auctores continentur. Ex Arabibus legendos proponerem, Avicennam, Abenzoar, qui singulari præditus ingenio, ac diuturna experientia edoctus plurima Arti adiecit, quæ ante eum nec visa prorsus sunt, nec cogitata; Averroem & Aly Abatem, quorum ultimus plurimas ægritudines ab aliis numquam antea visas in apricum protulit, & suum Systema Medicum minime intricatum exhibet; ex Neotericis vero Paracelsum, & Joannem Baptistam Vanhelmont, quorum prius in Arte chirurgica admiraculum usque excelluit; alter vero remediorum novitate, & facilitate ad summum honoris verticem brevi temporis spatio pervenit.

Hic celebrandi maxime sunt duo Auctores, qui hoc Studium Medicum curativum, si verum judico, absolutum reddere possunt. Primus est Sanctorius in sua Methodo evitandorum errorum omnium, qui admitti possunt in Arte Medica quinquies edita triginta annorum Spatio; Alter vero est Antonius Ponce Santacrux de impedimentis magnorum auxiliorum in morborum curatione in tribus Libris ad tyrones scriptis, quibus omnes difficultates, quæ se in magnis periculis offerunt, ex mente Antiquitatis explicantur, opus ita necessarium, ut merito curationis directorium possit appellari.

Sed cum facilius sit evitare morbos, quam

ex ipsis, cum laboremus, evadere; altera Medicinæ pars, quæ *Hygiene* vocatur, quæ tractat modum sanitatem conservandi in sanis per certas indicationes, & congrua media est nobis colenda. Quod Studium nunc temporis maxime negligitur, licet nobilius sit, & a Majoribus nostris quam diligentissime pertractatum. Studium hoc excoluerunt Medici Salernitani, qui in ipsa Schola Salernitana florere quæ anno octocentesimo secundo a Carolo Magno erecta fuit, & jam tribus a suo primordio elapsis sæculis, illud celeberrimum opus confecit, quod vocatur Schola Salernitana, primum ab Arnol. do Villanovano Scholiis illustrata, postea a Joanne de Mediolano. Hæc prodiit in gratiam Roberti Normannorum Ducis, qui Salernitanos Medicos consuluit super vulnere brachio dextero sibi inflicto; quia vero vulnus venentum credebatur, & jam degeneraverat in fistulam, quam curari posse negabant Medici, nisi frequenti oris suctu, Uxor ejus Principis novo amoris exemplo excitata, dicitur Marito dormienti frequenter fistulam suxisse, atque sic tandem cicatricem obduxisse. Hæc eadem Schola hisce nostris temporibus illustrata prostat, & ejusdem tum utilitates, tum damna deteguntur. Summa etiam diligentia, & incomparabili Studio Spartam hanc illustravit Sanctorius Sanctorius in sua Medicina Statica, tum Cardanus in suo opere novo, cunctis de Sanitate tuenda, & vita producenda studiosis apprimè necessario. Scient enim ex attenta hujus Libri lectione, quomodo debeant humanam tueri valetudinem a vitæ primordiis ad extremum

mum usque Senectutis tempus. Scient præterea diversa esse media tuendæ valetudinis ab illis, quæ ad prorogationem vitæ pertinent; scient qui aer sit eligendus, qui potus bibendus, qui motus, quæ exercitationes sint peragendæ, quæ edulia, qui pisces, quæ herbar, quæ condimenta in usum revocanda, quæ plantæ laudandæ, & quibus hominibus utiliores sint carnibus ovis, caseo, & piscibus. Qui fugaces fructus utiles sint, qui bellarii seligendi, & quo tempore manducandi, & multa alia & quidem præstantissima ediscunt studiosi Medici, quæ ad nobiliorem Medicinæ partem, nempe ad hygieniam pertinent. Hac præterea in Medicinæ parte inter cæteros excellenterunt Marsilius Cagnatus, Lodovicus Novius, Bruyerinus Campejus, Joannes Cechius, Joannes Colle, Cornarus, Gisbertus, Horstius, Vopiscus Fortunatus Plempius, Ramazzini, Fridericus Hoffmannus, & Antonius Cocchius in suo eleganti tractatu de victu Pythagorico Italico sermone scripto.

Sed sentio ab aliquibus me acriter increpari, quod studiosis Medicis solis matutinis temporibus nimiam Librorum Lectionem proponam. Utenim, inquit Baglivius, nimia ciborum ingurgitatio salubriorem valetudinem non affert, ita neque inexplebilis Librorum lectio solidiorem doctrinam. Fateor quidem in hac semper fuisse sententia, ut pauci, & optimi tantum Libri, non celeriter ac tumultuarie, sed pedetentim, sed discendi studio, numquam tamen libertate judicandi neglecta, legantur. sed

*Unum quidquid paulatim protrahit Aetas
In medium, ratioque in Luminis eruit oras.*

Et licet natura in suis operibus eadem semper sit, ratio tamen ejus, uti inquit Mercatus, quotidie magis, magisque se se prodit. Quare non video, cur nimia dicenda sit Librorum ingurgitatio illa, quæ a me superius est proposita, cum solum Auctores Classicos, qui singulis ætatibus florere, proposuerim. Præterquamquod non video tempus umquam deesse studiosis hominibus, sed potius diligentiam, qua una virtute, ut inquit Cicero, cæteræ omnes virtutes continentur. Sunt enim tempora, quibus epidemiæ non vigent, sunt tempora, quibus pauci sunt visendi ægroti; Ideoque tunc temporis aliqua hora semper subripienda est, qua non solum superius propositis Libris danda opera, sed fertilis ille campus, anatomicum nempe Studium colendum est, & Librorum lectione, & cadaverum sectione, neque umquam vel inter extremas senectutis occupationes intermittendum.

Hanc Artem, quam Alcmæon instituere cepit, præter Hippocratem, Herophilus, Erasistratus, & Galenus excoluerunt; At Erophilus, & Erasistratus viva damnatorum hominum corpora fere innumerabilia aperiebant, Galenus vero animalium & præcipue Simiæ viscera introspiciebat. Hos postea secuti sunt Arabes; sed impurus sermo barbaris tyrannidem in litteras excercitibus, causa fuit, cur illis aliquando in hac arte fides non adjungatur. Hoc horrido stilo opera anatomica ad Antiqui.

riquitatis mentem Scripsit Mundinus, qui vi-
 xit anno Christi millesimo trecentesimo quin-
 to, cujus anatomia in tanto pretio fuit, ut
 ex Statutis Patavinis non alia per plurimorum
 annorum decursum in eorum collegio legi &
 edoceri potuerit: & Jacobus Berengarius, Car-
 po, Gabriel de Gerbis, & Mathæus Curtius,
 & alii plurimi qui sæculo decimo quinto vixe-
 runt, eandem doctrinam secuti sunt. At ante
 dimidium alterius sæculi inter cæteros florue-
 runt Carolus Stephanus, & Fallopius, quo-
 rum alter multa noscenda detexit, atque inter alia
 Tubas, seu cornua matricis, unde ex recentio-
 ris Medicinæ Sententia, ova, quæ hominum
 seminarium sunt, in uterum descendunt; Quam-
 obrem cornua hujusmodi Tubæ appellantur
 Fallopianæ; Alter vero, Stephanus nempe,
 primus fuit, qui partes animalium figuris deli-
 neare suscepit, quod ante ipsum nemo aggredi
 ausus est. Non multum vero post præfulsit Ve-
 salius, Auctor in hac arte accuratissimus, quem,
 cum ætatis suæ annum vigesimum secundum
 nondum attrigisset, fama viri commotus Venerus
 amplissimus Senatus lauto stipendio ad se acci-
 vit ad anatomica, & Chirurgica publice in
 Academia Patavina prælegenda, demonstranda,
 & excolenda. Hic plurimos Galenicæ Anato-
 miæ errores detexit, & veluti novam anato-
 micam Scientiam edocuit. At eodem fere tem-
 pore Gabriel Cunæus Mediolanensis litem exci-
 tavit Vesalium inter, & Sylvium acerrimam
 de Galeni anatomica doctrina, in qua Sylvius
 contra Vesalium contumeliose viginti, &
 octo scripsit, ut ait Renerus, depulsiões, con-
 tra,

tra quas tamen Apologiam pro Vesalio instituit eruditissimam idem Renatus Aenerus, in qua totius pene negotii anatomici controversiæ explicantur, & Asini Sylvani Bipedes vocantur Sylvii fautores. Erudite præterea Scripsere de Re hac inter cæteros anno millesimo quingentesimo quinquagesimo nono Cæsalpinus, & Realdus Columbus Cremonensis qui fuisse. Ætus est in Locum magni Vesalii, cum Patavio discederet. At paulo post, anno scilicet millesimo quingentesimo septuagesimo nono, excelluit Bartholomæus Eustachius, celebris ille Vir, cujus anatomicas Tabulas e tenebris tandem erutas a Clemente XI. Pontifice Maximo munifico dono acceptas Maria Lancisius illustravit. Laudandus hic etiam est Constantius Varolius, qui Nervos a Spinali Medulla oriri primus detexit; neque prætermittendus Hieronymus Fabricius ab Aquapendente, qui circa finem ejusdem Sæculi in Gymnasio Patavino primus Anatomicus in recens ornato Theatro anatomico publice docere cepit a Senatu Veneto ad id munus magno pretio accitus. At post Aquapendentem laudandus est Spigelius, qui eandem sedem chirurgicam, & anatomicam conscendit & cum Prævotio lites acerrimas habuit. Nec prætermittendus Gaspar Asellius qui Vasa Lactea per Mesenterium decurrentia detexit. Hic addendi pariter sunt Gaspar Bartholinus, Thomas Bartholinus, qui hepatis exequias celebravit, & Olaus Rudbeck, qui litem movit Thomæ Bartholino de prima inventione Ductu lymphaticorum, quos ipse aquosos vocat: Et

Et Joannes Pecquetus, qui incognitum hactenus Chylo Receptaculum, & ab eo per Thoracem in ramos usque subclavios Vasa lactea conspexit; Et Celebris Virfungius, qui ductum Thoracicum primum detexit: Et Joannes Schvvam merdamius, qui Joannis Van-Horne Discipulus fuit, & Regnerum de Gmaff condiscipulum ingratum vocat, quia Preceptoris inventa sua fecit; Fuit enim Van-Horne primus, qui Ductum Thoracicum novum detexit, & primus quoque, qui testiculos viriles dixit esse conglomerationem ductuum seminalium, & mulierum Testes vocavit ovaria; Et Fridericus Ruyschius, qui primus Valvulas in vasis Lymphaticis, & lacteis demonstravit. At inter cæteros Anatomicos, qui præterito Sæculo excelluerunt, summam meretur laudem Harveus, qui verus circulationis Sanguinis inventor dici potest. Quamvis enim Michael Servetus anno millesimo quingentesimo quadragesimo secundo proposuerit motum sanguinis ex dextro ventriculo in pulmones, & ex his per venam pulmonalem in Cordis sinistrum: Quæ eadem & Columbus proposuit, & Andreas Cæsalpinus, ii tamen omnes partem veritatis videntur vidisse, at omnem ejus complexum neque perpexisse, neque idoneis testimoniis confirmasse. At Harveus millesimo sexcentesimo vigesimo octavo perfecit, ut ita dicam, inceptum opus, & per innumerabilia experimenta adstruxit systema suum, cujus utilitas per omnem Medicinæ ambitum latissime patet. Non multum vero post, & ad finem properante præterito sæculo innumerabiles ferme Aucto-

res Anathomici excelluerunt; Inter quos maxime sunt laudandi Glissonius, Malpighius, VVil-lisius, Peyerus VVepferus, VVarthonus, Cov-perus, ~~Mechius~~, & Littrius: Nec non Steno, & Vanfalva, & alii plurimi, quos, si enumerare vellem, longior plus iusto fierem. Inter celebriores vero nostri Sæculi Anatomicos, Tu quoque, doctissime Morgagni, non doctrinæ claritate, sed temporum successione postremo loco dinumerandus: Tibi enim doctrina, diligentia, & eruditione primus, ut Anatomicorum Principi, debetur locus.

Sed cum maximo incommodo sit medico Practico ad Ægrotantium saluti consulendum, omnes, quos supra enumeravi Auctores legere, ab illorum ferme omnium lectione me abdicarem, & Verheyem legerem; in quo omnia necessaria familiari, claroque sermone exposita habemus, & compendium anatomicum Laurentii Heisterii; quod brevissime totam Rem Anatomicam complectitur, & Ioannem Adamum Calmum, qui & ipse fecit compendium Anatomicum, & corrigit Verheyeni prolixitatem, & Heisteri figurarum defectum; Nec non Anatomiam Jacobi Skeil Corporis humani in compendium redacta, & jam sexies edita. Si quis tamen majori fruens otio cupiat hoc anatomicum studium erudite persequi, plures debet ordine legere Principes Auctores, qui in hac arte floruerunt. Nam cum humani Corporis fabrica tam admirabilis, & tam late patens sit, nemo umquam eam totam ita clare delineavit, ut possit Anatomie cupidus uno tantum Auctore insistere. Sed singuli in singulis descri-

scribendis partibus maxime præstiterē.

Itaque primum ad quatuor Classes redigi debent Auctores, qui de Anatomia erudire tractarunt, & quidem in primâ Classe ii ponendi sunt Auctores, qui de Ossologia, sive de Ossibus scripserunt, quæ tria themata continet, nempe Osteogeniam, quæ materiam, originem, & conditionem ossium designat; Osteographiam, quæ de Ossium structura agit, & fabricam, & diversitatem partium in ipso Osse perfecte delineat; Et Synosteologiam, quæ explicat omnes partes in osse, quæ faciunt, ut os ossi annectatur cum motu, & sine motu, cum cartilagine, & sine ea. De prima, de osteogenia nempe fusc tractarunt Teodorus Kerkhingius in suo Tractatu, in quo quid cuique Ossiculo singulis accedat mensibus, quidque decedat, & in ea per varia immutetur tempora, accuratissime oculis subjicitur; & in alio Tractatu, in quo confirmatio fœtus ab ovo usque ad ossificationis principia ostenditur; Et Marcellus Malpighius in suis Operibus posthumis figuris æneis illustratis, & Carolus Drelincurtius, & Dominus le Clerc. De Osteographia vero eleganter scripserunt Clopton Havers, Ioannes Riolanus Parisiensis Filius, Realdus Columbus, qui etiam eximiam methodum conficiendi Sceleti explicavit, uti etiam Dominicus Gagliardus, qui elegantissimum & lepidissimum conscripsit Libellum, hoc titulo inscriptum; *Anatomes ossium novis inventis illustratae*. Ad synostologiam, quod attinet legendi sunt Vesalius, Columbus, Fallopius, Le Clerc, Riolanus, cujus Operibus anatomia

cis

eis nemo Medicus carere debet, ut notat Boerhaave, nam si oporteret, ut munus Professoris Anatomiae excoleret non deberet verecundari, si tantum ordinem hujus Auctoris sequeretur; nam ibi reperitur quidquid ad eruditum Anatomicum pertinet. Et Philippus Ingrassias, qui nova quædam excogitavit.

In secunda Classe ii numerandi sunt Auctores, qui de Myologia agunt, quæ tractat de parte carnosa mobili, & osse movenda, nempe de musculis, & duplex est; altera nempe vocatur sarcotogia, & de parte carnea tractat; altera Aponeurosfologia, & partem musculorum tendineam describit. Et hac in Re Ricardus Lovverus, Guglielmus Courperus, Gabriel Fallopius, Alphonsus Bonellus maxime florere; uti etiam Fridericus Ruyschius, & Raimundus Vieussens, & Christianus Thebesius, qui in Musculi Cordis descriptione maxime digni sunt, qui laudentur.

In tertia vero Classe illi recensendi sunt Auctores, qui de Splanchnologia scripserunt, nempe de visceribus, quo nomine cerebrum, cerebellum, fauces, pulmones, ventriculum, pancreatem, hepatem, omentum, lienem, intestina, mesenterium, renes, organa genitalia, uterum complectimur. Celebrandi maxime sunt Thomas Villis, Raimundus Viussens, Fridericus Ruyschius, Malpighius, Henricus Ridleus in cerebri descriptione, & Petrus Pachionus, & Mery in fabrica & usu duræ Meningis; Valsalva, Conradus Victor Schneiderus in Structura Faucium, & Julius Casserius de vocis, auditusque organis
in

in Historica Anatomica singulari fide, metho-
do, ac industria concinnata; Uti etiam Dodart
de voce, & de vocis Instrumentis; Thomas
Bartolinus, & Malpighius de Pulmonibus,
quibus etiam addi potest Ruyschius in suo exi-
guo tractatu de Bronchiis; Glissonius de ven-
triculo, & intestinis: Hieronymus Fabricius
ab Aquapendente de Ventriculo, & varia-
te intestinorum; Thomas Villisus in Phar-
macia rationali, ubi Historiam de Ventriculo,
& varietate intestinorum describit; & Ruys-
chius in observationibus, ubi de Vasis Arterio-
sis, & venosis Ventriculi egregia habet; Et
Carolus Drelincurtius, Lambertus Valthuysen,
Marcellus Malpighius, & Ruyschius de Sple-
ne; Regnerus de Graaf, Malpighius, Conra-
dus Brunerus, & Thomas Vartonus de Pan-
create: Hieronymus Fabricius ab Aquapenden-
te, Thomas Bartholinus, & sæpius laudatus
Malpighius de omento, & adiposis ductibus;
Hieronymus Fabricius ab Aquapendente, Bar-
tholinus, Gaspar Asellius de Mesenterio. Fran-
ciscus Glissonius, Malpighius, & Ruyschius,
de Renibus; Regnerus de Graaf, Leal Lealis,
Guillelmus Covuperus, Ruyschius de virorum
& mulierum organis, in quorum descriptione
quam diligens, quam accuratus, & elegans tu
quoque fueris, doctissime Morgagni, nemo est
qui ignoret; & Bloncarus de Testibus; in quo-
rum numero habendi sunt qui de sensuum or-
ganis scripsere. Ut Bartholomæus Eustachius,
Josephus Duverney de Aure, in quo Argu-
mento legendus est etiam Valsalvæ Liber, qui
prostat apud Franciscum Pitteri hoc magnifi-



cotitulo. *Viri Celeberrimi Antonii Mariæ Valsalvæ Opera hoc est Tractatus de Aure humana accuratissime Editione hac quarta descriptus, Tabulisque Archetypis exornatus, & Dissertationes anatomicæ, quæ nunc primum prodeunt ad colon intestinum; ad Arteriam Magnam, ad accessorios nervos, ad oculos, ad suffusiones, & ad renum succenturiatorum excretorios ductus attinentes Tabulis itidem illustratæ; quæ omnia recensuisti, & Auctoris vitam, & tuas ad tractatum, ornatissime Morgagni, dissertationes, & Epistolas addidisti duodeviginti: In Gustus vero Organo describendo maxime excelluere Laurentius Bellini Malpighius, & Fracastatus. In oculi tandem descriptione laudantur Plempius, Nuchius, Hovius, Ruyschius, & Briggs.*

In quarta demum Classe illi enumerandi sunt, qui in Angiologia, sive in vasorum descriptione accurate versantur. Qua in re inspicendæ sunt venæ, Arteriæ, vasa lymphatica, & Glandulæ. In venis, & Arteriis maximam sibi Laudem promeruerunt magnus Vesalius, Guillelmus Covuperus, Ruyschius, Antonius Levenochius, Bellinus in Epistolis postumis, & Fabricius ab Aquapendente. In vasis vero lymphaticis describendis egregie insudarunt Ludovicus le Bils, Rutbechius Thomas Bartholinus, Glissonius, Iohannes Iacobus Pauli; & Ruyschius, & Malpighius, & Nuchius, qui lymphaticas valvulas optime descripserunt. In oculorum glandulis describendis maxime præstiterunt Meibomius, & Ioannes Baptista Bianchus, ille in vasis novis palpebrarum, hic in du-

ductibus lachrymalibus . In valis vero salivalibus laudandi sunt Vvarthonus , Nicolaus Steno, Gaspar Bartholinus , Rivinus , Antonius Puck , & Augustus Frieder VValtherus , qui novos salivæ rivos sub lingua detexit . Asellius vero in lacteorum Vasorum descriptione singulari laude dignus est . Glandularum tandem fere omnium descriptionem potissimum aggressi sunt Thomas VVarthon , Marcellus Malpighius , Antonius Nuchius , Guillelmus Covuperus , Fridericus Ruyschius , & in Glandulis Uretræ Terraneus , qui suum Librum in quinque Capita dividit , in quorum primo de glandulis disgregatis in genere , in secundo de glandulis disgregatis Urethræ , in tertio de glandulis conglomeratis Urethræ , in quarto de Glandularum Urethræ conglomeratarum musculo ; & in quinto tandem de morbis glandularum Urethræ , & præcipue de Gonorrhæa agit . Qua de re legendus est etiam Antonius Benevolus , qui de Urethræ Carruncula in sua epistola , in qua multa nova , & ad ejus curationem utilia inveniuntur , eleganter scripsit . Nec rejiciendi sunt VVarthon de glandulis unitis , & vagis in Mesenterio & Conradus Peyerus in glandulis Intestinatorum ; & Antonius Pacchionus in describendis duræ Matris glandulis conglobatis ; & Clopton Havers de glandulis mucilaginosi circa Articulorum regiones .

Post anatomicum Studium in Botanica Medicus Practicus versari meo judicio debet ; cujus inquisitione quia nimis operosum est

omnes herbas noscere, quæ a Botanicis a primordiis Medicinæ usque ad nostra tempora detectæ sunt, ac nimis difficile omnes Auctores legere, qui in hac Arte florere; & quia parum interest Medico scire, an Turnefortiana Methodus, an Rajana melior sit, & in Augusti Quirini Rivini Operibus insudare, cum id nihil, aut parum ad medicam Artem exercendam faciat; satis crederem fore Medico, pro optima exercenda Praxi in Dioscoride cum Matthioli notis insudare, & in Joanne Scrodero, & Cristiano Marggravio, & Samuele Daale, & Fabio Columna, & Roberto Morison, in cujus operibus Gaspari Bauhini hallucinationes deteguntur. At ad absolutam rei hujusce cognitionem comparandam præ omnibus inserviet Liber ille, qui hoc titulo inscribitur: Historia Botanica Practica, item plantarum, quæ ad usum Medicinæ pertinent, Nomenclatura, descriptio, & virtutes, tum ab antiquis, tum a recentibus celeberrimorum Auctorum scriptis descriptæ, ac æneis Tabulis delineatæ, atque ad vivum ex Prototypo expressæ, nec non in Classes triginta quinque distributæ, ut facilius cujusque simplicis genus, ac species dignoscatur, Auctore Joanne Baptista Morandi,

Ut autem omni ex parte perfectum evadat studium, medicum Pharmacopæas præ manibus haberem, præcipue Schroderianam, & Lamerianam, nec non Justum Molerum in Fasciculo Remediorum, Joannem Renodæum in suo Antidotario, Daniele Ludovicum in Pharmacia moderno sæculo applicanda, & Emu.

Etmulerum in Notis Schroderi, & Ludovici. Ex quibus tamen omnibus semper efficaciora, & simpliciora remedia sunt feligenda, atque notanda, ut in usum data occasione redigantur. Scimus enim ex earum lectione nos abundantia potius remediorum, quam inopia laborare, proinde magno judicio in remediis feligendis opus esse, ac memori figendum pectore aureum illud Arnoldi dictum; *dolum esse compositis uti, ubi simplicia sufficiunt*; alterumque Simonis Paulli, *desipere esse, domi suæ esse divitem, & foris stipem colligere, aut despicere patria, prospicere exotica*.

Confecto Botanico Studio non mihi inutile esse ducerem Chemicis operam dare, quin imo me libenter excitarem ad hanc quoque artem, quantum fieri potest, adipiscendam. Quod ut facilius præstarem, tamquam duces sequeretur Nicolaum Lefebur, Lamery Patrem, Robertum Boyleum, Othonem, & Hermannum Boerhaavium in suis elementis Chemicæ.

Sed ut Medicus Practicus excellens ab omnibus habeatur, & sit, non humanam tantum valetudinem tueri sciet, amissamque sanitatem restituere, sed etiam animantibus omnibus vitam servare, & ab ipsis morbos arcere, quorum usus ad hominum commoda, & ad ipsam humanam vitam servandum plurimum conferunt. Itaque Medicus debet in studio rei veterinariæ versari, atque ad illos etiam appellere animum Auctores, qui in hac ipsa materia eleganter scripsere. In quorum numero sunt Columella, Fracastorius,

Valisnerius, Lancisius, Carolus Mazzuchellus, & Rei veterinariæ scriptores, qui editi sunt græce, & latine.

Ne vero earum rerum, quæ ex diuturna Librorum lectione eruuntur, nos capiat obli-
vio, nobiliora dicta, pulchrioresque senten-
tias, & præstantiores doctrinas Adversariis
quotidie committerem, singulisque mensibus
relegerem.

Hanc ferme rationem in legendis medicis
Libris, eo tamen animo, ne in verba magi-
strorum jurent, neve eorundem sententiis,
& opinionibus temere assensum præbeant,
studiosis hominibus servandam proponerem,
Vir Sapientissime; Quam quidem facilius ab
iis servari posse existimo, si Andream Vesalium,
& Leonardum a Capua attente legen-
dos sibi sumpserint, ut ad veram trutinam
Antiquorum opiniones redigantur, amotisque
præjudiciis, quæ incautis hominibus fucum
facere possunt, libere, quid sentiant, judi-
cent.

Verumtamen ut mens nostra rectum, in
corruptumque judicium ferre possit ab infan-
tiæ potissimum præjudiciis amovenda est,
proindeque aliam Librorum lectionem insti-
tui oportere censeo, quæ eruditos vere con-
stituat Medicos, & Philosophos. Horas au-
tem, quibus hanc Methodum instituerem,
in duas partes, alteram quidem in pomeridia-
nam, alteram vero in serotinam horam distri-
buerem. Toto æstivo tempore a prandio post
aliquam quietem, vel brevem somnum stu-
diis opera danda est, hiberno vero tempore
ante

ante Cœnam. Qui autem Libri, & quo ordine legendi sint, nunc tibi, eruditissime Vir, exponam.

Ad recte igitur mentem dirigendam Liberum illum in primis eligerem, cujus hic titulus, Logica sive ars cogitandi, huncque summa diligentia legerem, quippe qui relictis futilibus, & nullius momenti scholasticis Quæstionibus apprime utilis est, ut veras rerum Ideas concipiamus, utque nostrum de Auditorum sententiis, & placitis judicium certum feramus. Ab hoc veluti scientiarum ostio me transferrem ad Edmundi Purchotii Senonensis philosophicas institutiones, inquit secundo, & tertio Tomo præcipue consistere, cum in hisce, & geometriæ, & generalis, & particularis Physicæ elementa, quibus erudita mens ad phenomena mechanice explicanda valebit plurimum, continentur. Quo etiam tempore legi potest a doctioribus, & Geometriæ cupidis Bernardus Lamy *Elements de Geometrie*; utque totius corporis humani vires, & actiones omnes funditus noscantur, attenta mente legendæ sunt Prælectiones Academicæ Hermannii Boerhaave, quas edidit, & notas addidit doctissimus Haler: neque enim brevius organarum nostri corporis partium operationes, neque clarius describi possunt. Hisce prælibatis, quibus fuerunt fortasse in Scholis imbuti studiosi homines, ad veros Philosophiæ fontes migrandum est. Et primum quidem ex Platonis, deinde ex Aristotelis, tandem vero ex Lucretii fonte, eo tamen animo, ut ea om-

nia rejiciamus, quæ in iis experientiæ, rationi, & religioni adversantur, aquas haurirem. At si recte intelligantur præter optimam morum institutionem ex Platone ediscemus omnia nobis bona adesse, si adsit virtus, verosque nobis comparabimus duces, qui in tot, tantisque tenebris facem veluti præferant, veram nempe opinionem, & scientiam, & alia plurima maxime delibabimus, quæ ad Medicam artem exercendam peropportuna sunt. In legendo vero Lucretio magna animi provisio-
ne cavebimus, ne cum illo in iis, quæ de mundo, de anima, de religione, de Deo, & de Providentia scripta sunt, sentiamus.

Ab his Auctoribus edocta mens potest per philosophantium placita libere excurrere, addito tamen semper ad ea studia animo, quæ maxime ad nostrum conferunt institutum. Hæc suppeditabunt Vitruvius cum exercitationibus Vitruvianis Joannis Poleni; Gassendi Commentaria ad Diogenem Laertium de Philosophia Epicuri; Joannes Vallisus de Percussione, Dialogi Galilæi; Mercurialis, & Vallisnerius de Generatione, Muratorius de imaginationis viribus, Ioannes Alphonsus Borellus de vi Percussionis, & de motibus naturalibus a gravitate pendentibus, de causis febrium malignarum, & de motu animalium; Baconus Verulamius in secunda parte suorum operum mere philosophica, & physica, & Robertus Boilæus, qui incæpta Venedamii perfecit. Quibus addi potest Historia Academiæ Regiæ scientiarum; Dominus Gilbertus Carolus le Gandre de opinione; &

Ricardus Louverus in suo Tractatu de Corde, & motu, & calore sanguinis, & Chyli in eum transitu, quem Tractatum septies maxima cum delectatione Boerhaave se legisse fatetur: ex hoc clare patet, qui sit cordis situs, & quæ ejusdem sint partes, quæ vasa in Cordis Parenchyma sanguinem convehant; quæ reducendo eodem interserviant, quibus stiperetur nervis, qua structuræ elegantia conformetur; quo fibrarum ordine ejusdem cordis muscoli sint dispositi; quo artificio formantur auriculæ, quo intus apparatu cor instruitur, quo usu fibræ carneæ in dextro ventriculo sint positæ: quænam sit fabrica, & usus papillarum, & columnarum carnearum, valvularumque, circa diversa cordis Ostia consitarum, tum qua sanguinem cor a venis excipiat, tum qua eundem in arterias expellat; quanto, & quali apparatu confluenti sanguini, & mox discessuro ductus, & via sternatur; qui præterea, & qualis hujus admirandæ machinæ motus atque usus sit; an cor seipsum moveat an potius a sanguine moveatur; quibus præterea instrumentis, & quibus machinis motus cordis perficiatur, quibus alteretur & quali, & quanta vi exerceatur, & unde illa vis data sit, & quomodo sanguis per annexas arterias ex cordis sinistro ventriculo per totum corpus diffundatur, & quomodo per apertas venas ad dextrum ejusdem cordis ventriculum reducat; & quam venæ, quam Arteriæ structura donentur; quas morbidas affectiones vividior cordis motus, quas languidior producat; unde rubicundus sanguis

nis color oriatur, & quomodo fluxus sanguinis pro diversa corporis figura alteretur; & multa alia clare patent; quæ scire Medicum numquam penitebit. Neque hic negligendi essent Boylus, & Dominicus Guglielminus de sanguinis natura; Mercennas Pater dictus ex minimis, in experimentis Mechanicis, hydrostaticis: Nicolaus Steno Danus in Myologiæ elementorum specimine, quod scripsit ad Ferdinandum secundum Magnum Etruriæ Ducem, in quo contendit Musculum esse fibrarum motricium collectionem ita conformatam, ut mediæ carnes paralepipedum obliquangulum constituent, tendines vero oppositi duo prismata tetragona componant; Archibaldus Pitcairnius de fluidorum secretionem per vasa minima: Franciscus Reditus in observationibus de animalibus viventibus in animalibus viventibus, & in observatione viperarum; Ioseph e Papa de natura calidi, & frigidi, & humidi, & siccis; Valisnerius in suis considerationibus, & experimentis circa generationem vermium humani corporis: necnon Lancisius de noxiis paludum effluviis, de ortu, vegetatione, & textura fungorum, de humorum secretionem in genere, & præcipue de bilis in hepate separationem: & tandem Ioannes Iacobus Mangetti in sua Bibliotheca scriptorum Medicorum veterum, & recentiorum, opus sane cedro dignum, quod, mea quidem sententia, præ omnibus illius celeberrimi Auctoris Bibliothecis palmam retulit.

Sed cum Medicus studere debeat, ut non
iis

iis solum satisfaciatur, quibus necesse est, sed etiam adstantibus & oppido curiosis; diversis enim diversa placent, & nonnulli lepidum, aliqui gravem, multi facundum, omnes tamen doctum, & prudentem cupiunt Medicum, peto a te, Vir Sapientissime, utrum aliquando licet remisso graviori Studio feriari, & aliis amœnioribus studiis quę mentem uno tempore relaxent, & erudiant animum, adiicere. Hoc tu si optimum factu duceres, amplecterer ego illa Studia, quę ad animos ægotantium sanandos, recreandosque, ipsosque Medicos eruditos reddendos plurimum conferunt; morale nempe, poeticum, & Historicum. Primum poterit Medicorum castam, & ab omni scelere puram, tum vitam, tum Artem, Hippocratis exemplo servare, & salutaribus præceptis ægotantium mentes curare; Alterum vero aliquibus salibus, & facetiis animos recreare: Tertium tandem, ne semper pueri simus, ut inquit Cicero, omnia nobis ostendere, quę antequam nasceremur, evenere. Itaque in moralibus confugerem ad Aristotelem, Ciceronem, Senecam, Plutarcum, & Ludovicum Muratorem, & unum saltem capitulum Scripturę Sacrę quotidie legerem. Quo tempore legerem etiam Valesium de Sacra Philosophia, Paulum Vecchi, & Enricum Valentinum Voglerum, qui ex sacris Paginis omnia selegerunt, quę ad artem Medicam pertinent, ut absoluta, quantum ex nobis effici potest, eruditio Medica habeatur.

In Poeticis præcipue in deliciis haberem
Ho.

Homerum, Virgilium, Terentium, Plautum, Horatium, Arceſtum, Torquatum Taſſum, & Poëſim Italicam Antonii Ludovici Muratoris, qui tamquam apis, quæ ex floribus ſuccum haurit, ex præſtantiffimis Auctoribus meliora collegit. In hiſtorico denique ſtudio inſtituendo primum hiſtoricum Medicinæ ſtudium inſtituerem, deinde etiam alios Hiſtoricos, & quidem elegantiores prælibarem. In Medicinæ ſtudio conſtituendo eligerem Daniele Clericum Joannem Freind, & clariffimum Schulzium. Daniel enim Clericus nos docet Medicæ Artis originem, & progreſſum uſque ad Galeni tempora; explicat præterea ſectas in eadem arte enatas, Medicorum Nomina, inventa, opiniones, atque nobiliores circumſtantias. Joannes autem Freind Hiſtoriam Medicinæ inſtituit a Galeni temporibus uſque ad ſæculi decimi ſexti initia. Joannes Henricus Schulzius denique Medicam hiſtoriam explicat a rerum initio ad annum Urbis Romæ quingentefimum trigefimum quintum. Ad alios vero Auctores quod attinet ex Græcis ſeligerem Herodotum, & Tucididem; ex Latinis Saluſtium, Cæſarem, & Livium.

Sed cum ſtudium Medicum non niſi diſſiculter perfectum, abſolutumque reddi poſſit, in hiſce Libris Medicus potius recreandi cauſſa inſiſtere debet, quam ut veram, & perfectam cognitionem velit exhaurire; nam

Pluribus intentus, minor eſt ad ſingula ſenſus.

Præterquamquod tot Librorum aſſidua, nunquamque intermiſſa lectio fortasſe lædit,
&

& enervat studentium ingenium, cogitandi.
 que facultatem tot, tantisque genere variis,
 & natura diversis, atque inter se contrariis
 noscendis, tractandisque naturalibus rebus,
 quas Medicus experiendo magis, quam le-
 gendo, & meditando consequitur, prorsus
 obruit, ineptamque reddit; ex quo aliquando
 illa infelicitas in medendo oritur, quæ con-
 tigit Joanni Argenterio, qui licet speculan-
 do, scribendoque inclyrus, medendo tamen,
 supra quam credi potest, infelix fuit.

Non enim omnia possumus omnes.

Sed ne Medicus in hanc Scyllam incidat,
 metietur, si sapiet, primum vires suas, co-
 gitabitque diu

Quid ferre recusent, quid valeant humeri.

Dein serio reputabit, debere se, doctrinam
 dica, experientia, & probitate præstare; qua-
 rum altera si deficiat numquam veri nomi-
 nis Medicus dici potest.

Habes hic exarata ea omnia, præstantissi-
 me Vir, quæ de recta Legendorum Librorum
 Medicorum ratione instituenda pro ingenii
 mei tenuitate excogitavi. Tu interim animad-
 vertas, me ea, quæ postulo, non ab inertibus,
 & desidiosis, sed a navis, & industriis ho-
 minibus postulare; ab iis scilicet, qui ut ad
 summum Artis fastigium perveniant, totos in-
 dustræ nervos intendunt. Vale.

Handwritten text along the right margin, possibly bleed-through from the reverse side of the page.







